

Na osnovu člana 17. Statuta Općine Doboj Istok («Službene novine općine Doboj Istok broj 05//08) i člana 35. Poslovnika o radu Općinskog vijeća Doboj Istok ("Službene novine općine Doboj Istok", broj: 01/22 i 03/23) Općinsko vijeće općine Doboj Istok na 30. redovnoj sjednici održanoj dana 26.10.2023. godine donosi

O D L U K U

o utvrđivanju uslova i kriterija za izbor i imenovanje članova radnih tijela Općinskog vijeća Doboj Istok

Član 1.

Ovom Odlukom utvrđuju se opći i posebni uslovi i kriteriji u vezi imenovanja članova radnih tijela Općinskog vijeća Doboj Istok

Član 2.

Ova odluka odnosi se na imenovanje članova u slijedećim stalnim radnim tijelima Općinskog vijeća i to:

- Komisija za lokalnu samoupravu, Statut i propise,
- Komisija za budžet, finansije, privredu i dijasporu,
- Komisija za jednakopravnost spolova i ljudskih prava,
- Komisija za pritužbe, predstavke i prijedloge građana, vjerske zajednice i vjerske slobode,
- Komisija za korupciju i nevladin sektor,
- Komisija za mlade, društvene djelatnosti i informisanje,
- Komisija za boračka pitanja i civilne žrtve rata,
- Komisija za poljoprivredu, prostorno uređenje i ekologiju.

Član 3.

Kandidati za izbor članova radnih tijela iz prethodnog člana ove Odluke dužni su ispunjavati slijedeće opće uslove i to:

1. Da je državljanin Bosne i Hercegovine.
2. Da je stariji od osamnaest godina, ali ne stariji od 65 godina.
3. da su zdravstveno sposobni za obavljanje poslova na koje se kandidiraju
4. Da ima prebivalište na području općine Doboj Istok.
5. Da nije obuhvaćen članom IX stav 1. Ustava BiH.
6. Da nije osuđivan za krivična djela ili prekršaj koji ga čine nepodobnim za obavljanje dužnosti za koju se kandidira.

Pored općih uslova, kandidati treba da ispunjavaju i posebne uslove:

1. Da ima najmanje srednju stručnu spremu-IV stepen, uz slijedeći utvrđeni izuzetak: U svaku komisiju mora da bude imenovan minimalno jedan član sa visokom stručnom spremom - najmanje 180 ETCS bodova).
2. Da ima iskustvo u radu iz oblasti koja je u vezi sa nadležnosti jednog od radnih tijela.
3. Da poznaje Statut i Poslovnik o radu Općinskog vijeća.

Član 4.

Proceduru za izbor članova radnih tijela provodi Komisija za dodjelu općinskih priznanja, izbor i imenovanja Općinskog vijeća Doboj Istok.

Tekst javnog poziva utvrđuje Komisija za dodjelu općinskih priznanja, izbor i imenovanja Općinskog vijeća Doboj Istok.

Javni poziv za dostavljanje prijava objavljuje se na web stranici Općine Doboj Istok i oglasnoj ploči.

Javni poziv ostaje otvoren 15 dana od dana objavljivanja.

Javni poziv za izbor članova radnih tijela treba da sadrži:

- a) Naziv radnog tijela – komisije u kojoj se vrši izbor kandidata i
- b) Opće i posebne uslove koje treba da ispunjavaju u skladu sa ovom Odlukom,
- c) Spisak potrebnih dokumenata, rok i mjesto za podnošenje, kao i jasna uputstva gdje se obrazac prijave može dobiti.
- d) Krajnji rok za podnošenje prijava

Član 5.

Kandidati su dužni dostaviti prijavu na propisanom obrascu koji je sastavni dio ove odluke. Kandidati koji budu ispunjavali Opće i posebne uslove propisane ovom odlukom uvrstit će se na listu uspješnih kandidata, a oni kandidati koji ne budu ispunjavali Opće i posebne uslove uvrstit će se na listu kandidata koji ne ispunjavaju uslove.

Član 6.

Po zatvaranju javnog poziva Komisija razmatra dostavljene prijave i utvrđuje rang listu. U slučaju da se na javni poziv prijave kandidati sa sličnim ili istim kvalifikacijama, Komisija će organizovati intervju sa tim kandidatima. Komisija o provedenoj procedure podnosi izvještaj Općinskom vijeću općine Doboj Istok sa prijedlogom članova za imenovanje sa utvrđenje rang liste uspješnih kandidata, vodeći računa o ravnomjernoj zastupljenosti oba pola i prednosti određenih kategorija utvrđenim Poslovníkom o radu Općinskog vijeća općine Doboj Istok.

Član 7.

U slučaju da neki od članova radnih tijela prestane sa radom u radnom tijelu, na prijedlog Komisije općinsko vijeće će na upražnjeno mjesto imenovati slijedećeg kandidata sa usvojene rang liste uspješnih kandidata, a ukoliko nema kandidata na listi uspješnih, popuna se vrši Javnim pozivom. U slučaju kada se na Javni poziv ne prijavi dovoljan broj kandidata ili kada u slučaju naknadnu popunu upražnjenih mjesta nije moguće izvršiti sa rang liste uspješnih kandidata, privremeno se za člana može imenovati i član iz reda vijećnika. Privremeno imenovanje vijećnika vrši se na period ne duži od 6 mjeseci i izuzetno se može produžavati za dodatnih 6 mjeseci, kako se ne bi ugrozilo funkcionisanje radnih tijela.

Član 8.

Prigovor na procedure izbora člana radnog tijela podnosi se Općinskom vijeću općine Doboj Istok.

Član 9.

Ova odluka stupa na snagu narednog dana od dana objavljivanja u službenim novinama Općine Doboj Istok.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK
OPĆINSKO VIJEĆE

Broj: 02-04-1184/23
Datum, 26.10.2023. godine



PREDSJEDAVAJUĆI
OPĆINSKOG VIJEĆA
Musret Dautović